


15 სექტემბერს ახალი სასწავლო წელი დაიწყო!



მუნიციპალიტეტის საინფორმაციო გაზეთი №17(79) 2014 წ. 1-15 სექტემბერი ფასი 50 თეთრი

პირველი წარის მოლოდინში



საბარეჯოს I საჯარო სკოლა



საბარეჯოს II საჯარო სკოლა



საბარეჯოს III საჯარო სკოლა



საბარეჯოს IV საჯარო სკოლა



ბიორბიჭინდის საჯარო სკოლა



ბიორბიჭინდის სკოლაგდელი აღზრდის დაწესებულება



საბარეჯოს №1 სკოლაგდელი აღზრდის დაწესებულება



15.09.2014



საბარეჯოს №3 სკოლაგდელი აღზრდის დაწესებულება

მხედრობის სახელმწიფო მდირობის საკრებულოს რიგგარეშე სხდომაზე

საგარეჯოს მუნიციპალიტეტის საკრებულოს რიგგარეშე სხდომაზე

2014 წლის 3 სექტემბერი

2014 წლის 3 სექტემბრის საგარეჯოს მუნიციპალიტეტის საკრებულოს რიგგარეშე სხდომაზე ამავე საკრებულოს თავმჯდომარე ფრიდონ ბურდული უძღვევოდა. მან საკრებულოს დეპუტატებს და დამსწრე საზოგადოებას გააცნო დღის წესრიგი.

დღის წესრიგის №1 საპიტიხე „საგარეჯოს მუნიციპალიტეტის საკრებულოს წევრების უფლებამოსილების განხორციელებასთან დაკავშირებული ხარჯების ანაზღაურების წესის“ შესახებ მოხსენება გააკეთა ფრიდონ ბურდულმა. როგორც მან განმარტა, ამ წესის მიხედვით საკრებულოს წევრების მიერ საკრებულოს საქმიანობაში მონაწილეობის მიღების, ამომრჩეველებთან შეხვედრების, ასევე, საკრებულოს და საკრებულოს თავმჯდომარის დავალებების შესრულებისათვის, საგარეჯოს მუნიციპალიტეტის საკრებულოს წევრის უფლებამოსილების განხორციელებასთან დაკავშირებული ხარჯების ანაზღაურების ოდენობა განისაზღვრება. კონკრეტულად კი, ამ ხარჯების ანაზღაურება საკრებულოს თავმჯდომარის ბრძანებით საკრებულოს აპარატის უფროსის მიერ თითოთი სახით მოწოდებული ინფორმაციის (მოხსენებითი ბარათის სახით) საფუძველზე. ასე, რომ საკრებულოს წევრის მიერ მიწოდებული განმარტებაში საკრებულოს კომისიებისა და ფრაქციების სხდომებში მონაწილეობით, საკრებულოს დროებით სამუშაო ჯგუფებში საკრებულოს თითოეული წევრის ფაქტობრივი დასწრებით, ამომრჩეველებთან შეხვედრების მონაწილეობით აისახება მათი ყოველთვიური გასამრჯელოს ოდენობა. სწორედ საკრებულოს აპარატის უფროსის მიერ წარდგენილი მოხსენებითი ბარათის მიხედვით, საკრებულოს თავმჯდომარე უფლებამოსილია, საკრებულოს კონკრეტული წევრისათვის განსაზღვროს ანაზღაურების (375 ლარი) ნაკლები ოდენობა. საქართველოს საგადასახადო კოდექსის გათვალისწინებით



ტორიას განსაზღვრავს გამგებელი; გამგებლის წარმომადგენელი ანგარიშვალდებულია და მასზე სამსახურებრივ ხელშეკრულებას ახორციელებს გამგებელი.

რაც შეეხება გამგებლის წარმომადგენელს, იგი გამგებლის წარუდგენს ინფორმაციას შესაბამის ტერიტორიაზე არსებული პრობლემებისა და აგრეთვე მათი შესაძლო გადაწყვეტის გზების შესახებ; გამგებლის დავალებით იგი უზრუნველყოფს ადგილობრივი თვითმმართველობის სამართლებრივი აქტების მოსახლეობისათვის განცხადებას; გამგებლის დავალებით ორგანიზებას უწყებს დასახლებაში მოსახლეობის გამოკითხვის ჩატარებას; დაინტერესებული პირის განცხადების საფუძველზე ადასტურებს მის სამოქმედო ტერიტორიაზე საქონლის ადგილწარმოშობის, აგრეთვე პირის კონკრეტულ მისამართზე ფაქტობრივი ცხოვრების ფაქტს; იგი გამგებელს წარუდგენს წინადადებებს ადმინისტრაციული ერთეულის ტერიტორიის ზონირება დაყოფის, მათი სახელების დადგენისა და შეცვლის, დასახლებების ქუჩების, მოედნების სახელებისა და ნუმერაციის შესახებ; გამგებლის დავალებით ახორციელებს სხვა უფლებამოსილებებს.

დებულებას ასევე დაემატა მუხლი 28, რომლის მიხედვითაც მუნიციპალიტეტის ადმინისტრაციული სახელების ფარგლებში საქონლის ადგილწარმოშობის, აგრეთვე პირის კონკრეტულ მისამართზე ფაქტობრივი ცხოვრების ფაქტის დადასტურების შესახებ ცნობების ფორმას ამტკიცებს მუნიციპალიტეტის გამგებელი და ცნობა გაიცემა მუნიციპალიტეტის სახელით.

დღის წესრიგის III საპიტიხე „საგარეჯოს მუნიციპალიტეტის გამგებლის საშტატო ნუსხის დამტკიცების შესახებ“ საგარეჯოს მუნიციპალიტეტის 2014 წლის 25 ივლისის №38 დადგენილებაში ცვლილებების შეტანის თაობაზე“ მოხსენება გააკეთა პანა მარბეზაძემ. როგორც მან განმარტა, №38 დადგენილების სათაური უნდა ჩამოეღობდეს შემდეგნაირად: „საგარეჯოს მუნიციპალიტეტის გამგებლის საშტატო ნუსხისა და თანამდებობრივი სარგოების დამტკიცების შესახებ“, რომლის მიხედვითაც განისაზღვრა გამგებლის საშტატო ნუსხა და თანამდებობრივი სარგოები.

სხდომის დღის წესრიგის მეოთხე საპიტიხე „საგარეჯოს მუნიციპალიტეტის 2014 წლის პირველი და II კვარტლის ბიუჯეტის შესრულების ანგარიშის მოხსენისა და შეფასების შესახებ“ მოხსენება გააკეთა საგარეჯოს მუნიციპალიტეტის გამგებლის საფინანსო-საბიუჯეტო, ჯანდაცვისა და სოციალური საკითხის სამსახურის საფინანსო-საბიუჯეტო და სამეურნეო განყოფილების უფროსმა ნათია წარდგინდა, როგორც მან აღნიშნა:

– საგარეჯოს მუნიციპალიტეტის 2014 წლის ექვსი თვის ბიუჯეტმა 2014 წლის 6 თვეში ცვლილება განიცადა 8-ჯერ, ბიუჯეტის მოცულობა 7044,9 ათასი ლარიდან გაიზარდა 12 683,5 ათას ლარამდე, ანუ გაიზარდა 5 638,6 ათასი ლარით.

კონკრეტულად, მუნიციპალიტეტის 2014 წლის ბიუჯეტის შემოსავლები გაიზარდა საქართველოს მთავრობის 2014 წლის 13 იანვრის №35 განკარგულებით საქართველოს რეგიონებში განსახორციელებელი პროექტების ფონდიდან გამოყოფილი 1834,8 ათასი ლარით და საქართველოს მთავრობის 2014 წლის 13 იანვრის №34 განკარგულებით, საქართველოს რეგიონებში განსახორციელებელი პროექტების ფონდიდან გამოყოფილი 4199,0 ათასი ლარით, საქართველოს მთავრობის 2014 წლის 20 მარტის №471 განკარგულებით 1 014,8 ათასი ლარით. გრანტი გაიზარდა 5 213,8 ათასი ლარით. მ.შ. „სოფლის მხარდაჭერის“ პროგრამა 1014,8 ლარი. საქართველოს რეგიონებში განსახორციელებელი პროექტების ფონდიდან გამოყოფილი თანხები 4 199,0 ლარი. მოხსენებელმა ასევე დაწვრილებით ისაუბრა საგარეჯოს მუნიციპალიტეტის 2014 წლის ექვსი თვის შემოსავლებზე, გადასახადების გაგმებასა და შესრულებაზე. აღნიშნული მოხსენების

გაკეთების შემდეგ საკრებულოს წევრთა მიერ დასმულ შეკითხვებს უპასუხა მომხსენებელმა.

მუნიციპალიტეტის ბიუჯეტის შეესაბამებულ დაკავშირებით ასევე, დეპუტატ ზურაბ ქურთიანი მიერ საკრებულოს წინაშე დასვა საკითხი მუნიციპალიტეტის ტერიტორიაზე არსებული სასოფლო-სამეურნეო მიწების ინვენტარიზაციის აუცილებლობაზე. როგორც მან აღნიშნა, მუნიციპალიტეტში არიან პირები, რომლებიც არარეგისტრირებულ მიწებს ფლობენ, ამუშავევენ ამ მიწებს, მაგრამ საგადასახადო დავალებას არ ასრულებენ. ასევე, დასარეგულირებელია ურთიერთობა მეწარმეებისა მუნიციპალიტეტის ბიუჯეტთან, გასაკონტროლებელია ბუნებრივი რესურსებით სარგებლობიდან შემოსული შემოსავლები.

ასევე, კითხვები დასვა დეპუტატების ჭაბუკა ჭანტურია, გონა (ვეფხია) ჩერქეზიშვილის მხრიდან, რომლებსაც უპასუხა როგორც მომხსენებელმა, ასევე საკრებულოს იურიდიული სამსახურის უფროსმა ეკა ტაბატაძემ და საგარეჯოს მუნიციპალიტეტის გამგებლის იურიდიული სამსახურის უფროსმა კახა მარგველიძემ.

საკრებულომ მოისმინა საგარეჯოს მუნიციპალიტეტის 2014 წლის I და II კვარტლის ბიუჯეტის შესრულების ანგარიში და შეაფასა დადებითად.

საკრებულოს წევრების უფლებამოსილების განხორციელებასთან დაკავშირებული ხარჯების ანაზღაურების შესახებ“ საგარეჯოს მუნიციპალიტეტის 2014 წლის 4 აგვისტოს №62 განკარგულებაში ცვლილებების შეტანის თაობაზე“ მოხსენება გააკეთა ფრიდონ ბურდულმა.

საკრებულოს მუნიციპალიტეტის საკრებულოს „ფიზიკური და კერძო სამართლის იურიდიული პირების მფლობელობაში (სარგებლობაში) არსებულ მიწის ნაკვეთებზე საკუთრების უფლების აღიარების კომისია შემადგენლობით: ჭაბუკა ჭანტურია, კონსტანტინე ლოღულაძე, მეფიქარაძე (ვეფხია) საკრებულოს წევრი, გიორგი კიკნაძე – სახელმწიფო ქონების ეროვნული სააგენტოს კახეთის მომსახურების ცენტრის მთავარი სპეციალისტი, მია ფანოზიშვილი – ეკონომიკის განვითარებისა და მუნიციპალური ქონების მართვის სამსახურის სპეციალისტი. სხდომაზე, ასევე განიხილეს სხვადასხვა საკითხები, რომლებიც ეხებოდა საცხოვრებელი ბინების ნუმერაციას, გადაუდებელი აუცილებლობით გამოწვეული გამართვებული შესყიდვების განხორციელებას.

საკრებულოს წევრებმა განიხილეს საკითხებზე მიღეს შესაბამისი გადაწყვეტილებები. სხდომის ესწრებულნი საგარეჯოს მუნიციპალიტეტის საკრებულოს თავმჯდომარის მოადგილე ცისმარ თამიანი და ამავე მუნიციპალიტეტის გამგებლის მოადგილე ბიორბი რევაზიშვილი.

2014 წლის 12 სექტემბერი

საბარეჯოს მუნიციპალიტეტის საკრებულოს 2014 წლის 12 სექტემბრის სხდომაზე ამავე მუნიციპალიტეტის საკრებულოს თავმჯდომარე ფრიდონ ბურდული უძღვევოდა. მან საკრებულოს წევრებს და დამსწრე საზოგადოებას დღის წესრიგი გააცნო. დღის წესრიგის I საკითხზე „საგარეჯოს მუნიციპალიტეტის საკრებულოს“ ფრაქცია

„რესპუბლიკელების“ შემადგენლობიდან ცისმარ თამიანიშვილის გასვლის შესახებ გააკეთა საკრებულოს იურიდიული კომისიის თავმჯდომარე ალ. მეზერიშვილი. საკრებულომ ცნობად მიიღო საკრებულოს თავმჯდომარის მოადგილის, ფრაქცია „რესპუბლიკელების“ წევრის ცისმარ თამიანიშვილის განცხადება.

„საგარეჯოს მუნიციპალიტეტის 2014 წლის ბიუჯეტის შესახებ“ საგარეჯოს მუნიციპალიტეტის საკრებულოს 2013 წლის 27 დეკემბრის №35 დადგენილებაში ცვლილებების შეტანის თაობაზე მოხსენება გააკეთა საგარეჯოს მუნიციპალიტეტის გამგებლის საფინანსო-საბიუჯეტო, ჯანდაცვისა და სოციალური საკითხის სამსახურის უფროსმა თინათინ აბაილაშვილმა. როგორც მან აღნიშნა, ცვლილება შეეხება ბიუჯეტის ხარჯის ნაწილს. მიზეზი – 2014 წლის ბიუჯეტით დასუფთავების ღონისძიებებში (სხვა დანარჩენი საქონელი და მომსახურება) გათვალისწინებული მომსახურების ღონისძიებები მიმდინარე წლის მხოლოდ 9 თვით დაიგეგმა. დანარჩენი 3 თვის მომსახურებისთვის კი საჭიროა 97050 ლარი.

„სოფლის მხარდაჭერის“ პროგრამით მიმდინარე შიდასოფლო გზების რეაბილიტაციისათვის საჭირო წაიღსეული (ბალანსით) სარგებლობისათვის ლიცენზიის თანხა 6810 ლარიდან გაიზარდა 8000 ლარამდე, რადგან ლიცენზიაში მითითებული ბალანსის რაოდენობა დღეისათვის ნაკლებია ხარჯთაღრიცხვით გათვალისწინებულზე;

ხეების მოჭრისათვის საჭიროა 1000 ლარი; წყალმომარაგების სისტემაში არსებული დაზიანებების და ხარვეზების აღმოსაფხვრელად წყლის სისტემების რეაბილიტაციისა და ექსპლოატაციის ხარჯები იზრდება 78150 ლარით;

სკოლამდელი დაწესებულებებისათვის სამხარეულოს და სხვა ინვენტარის შესაძენად სკოლამდელი დაწესებულებების ხარჯებს სუბსიდიის სახით ემატება 13619 ლარი;

უმწო მდგომარეობაში მყოფი მოქალაქეთა დახმარების ხარჯები იზრდება 10 ათასი ლარით.

როგორც მომხსენებელმა აღნიშნა, მიმდინარე წლის 8 თვეში ბიუჯეტში შემოსულობა 6752085 ლარი, რაც ბიუჯეტით დაგეგმილი შემოსავლების 54%-ია. სწორედ ამიტომ გახდა საჭირო ბიუჯეტის გადასახდლების შემცირება.

საკრებულოს წევრებმა მოისმინეს მოხსენება და მომხსენებლის მიმართ დასვეს შეკითხვები: ელდარ მეფარიძემ, ზურაბ ქურთიანიშვილმა, გონა (ვეფხია) ჩერქეზიშვილმა. დასმულ შეკითხვებს უპასუხა თინათინ აბაილაშვილმა.

საკრებულოს მუნიციპალიტეტის მოსახლეობის სოციალური დახმარების 2014 წლის პროგრამისა და მისი ბიუჯეტის დამტკიცების შესახებ“ საგარეჯოს მუნიციპალიტეტის საკრებულოს 2014 წლის 31 იანვრის №3 დადგენილებაში ცვლილებების შეტანის თაობაზე“ (მომხს. თ. აბაილაშვილი) მოხსენის შემდეგ საკრებულომ მიიღო დადგენილება აღნიშნულ დადგენილებაში ცვლილებების შეტანის შესახებ და აღნიშნული პროგრამის ბიუჯეტი 505752 ლარით განსაზღვრა.

საკრებულოს გადაწყვეტილებით საკითხის „საგარეჯოს მუნიციპალიტეტის საკრებულოს სოციალური, კულტურის, განათლებისა და ახალგაზრდულ საქმეთა კომისიის პერსონალური შემადგენლობის დამტკიცების შესახებ“ საგარეჯოს მუნიციპალიტეტის საკრებულოს 2014 წლის 4 აგვისტოს №65 განკარგულებაში ცვლილებების შეტანის თაობაზე“ (მომხს. მეფიქარაძე) მოხსენის შემდეგ ცვლილებების შედგენა დაემატა პუნქტი, რომლის მიხედვითაც საკრებულოს წევრი ამირან სონიშვილი აღნიშნული კომისიის წევრად იქნა შეყვანილი.

გამგებლის შესყიდვების განყოფილების სპეციალისტის ნიკოლოზ ბუხარიაშვილის მოხსენებები შეეხო მუნიციპალიტეტის მიმდინარე ტერიტორიულ ორგანიზებულ არსებული სახმელი წყლის ჭაბურღილების წყლის საქანი ტუმბოების შეკეთებისათვის გათვალისწინებული აუცილებლობით გამოწვეული გამართვებული შესყიდვის განხორციელების საკითხებს.

საკრებულოს წევრებმა წარმოდგინდ საკითხებზე ღრმად და საფუძვლიანად იმსჯელეს. მათ სხდომის წინაშე დააყენეს მთელი რიგი იმ საკითხების შესწავლა და მწვავედ დაყენება შესაბამის ორგანიზების წინაშე, ვინც ვერ შეძლო 2014 წლის ბიუჯეტის თავიდანვე ნორმის ფარგლებში დაგეგმვა, ხელი შეუწყო ბიუჯეტის თანხების არამიზნობრივ ხარჯვას, სოფლებში „სოფლის მხარდაჭერის“ პროექტების უხარისხო შესრულების საქმეს.

საკრებულომ ყველა განხილულ საკითხზე მიიღო შესაბამისი გადაწყვეტილება.

საკრებულოს სხდომას ესწრებოდა საგარეჯოს მუნიციპალიტეტის გამგებელი ბიორბი რევაზიშვილი.




# ბანათობა

# სკოლა წარმატებებს ითვლის

# ბანათობა

– 2010 წელს ჩვენი, საგარეჯოს IV საჯარო სკოლის კურსდამთავრებულთა 42% ჩაირიცხა საქართველოს სხვადასხვა უმაღლეს სასწავლებლებში. წელს კი უკვე 60%, – მეუბნება სკოლის დირექტორი ნელი ბალახაშვილი, – მიმდინარე წელს სკოლამ 53 კურსდამთავრებული გამოუშვა. აქედან, უმაღლეს სასწავლებელში სწავლის გაგრძელება 32 კურსდამთავრებულმა გამოთქვა. ჩაირიცხა 31. რაოდენ სასიხარულო და საამაჟიოა, რომ ამ 31 აბიტურიენტიდან სახელმწიფო დაფინანსება 100%-იანი გრანტი მოიპოვეს დიმიტრი კუჭუაშვილმა, ნინო ბახილაშვილმა და ნინო დიდმელაშვილმა. რაც შეეხება დავით ანელაშვილს, მან მართალია 50%-იანი სახელმწიფო დაფინანსება მოიპოვა, მაგრამ სასწავლებელმა, რომელშიც ის ჩაირიცხა მიღებული ქულების გამო 100%-იანი დაფინანსებით დააჯილდოვა. ასევე 70%-იანი სახელმწიფო დაფინანსება აქვს ქრისტინე გორგილაძეს, 50%-იანი დაფინანსებები აქვთ ანრი სომარიას, ნაზი სამუხაშვილს, ვალიკო ყორღანაშვილს, ანი მეხერიშვილს. ყველაზე სასიხარულოა ჩვენი სკოლის კურსდამთავრებულის ოთარ დარბაისელის საქართველოს ტექნიკური უნივერსიტეტის ინფორმატიკის ფაკულტეტზე ჩარიცხვა. ეს მხოლოდ ჩემი სიხარული არ არის. ეს იმ პედაგოგების ღვაწლის დაფასებაა, რომლებიც წლების განმავლობაში მასთან სახლში დადიოდნენ, გაკეთილებს ჩასატარებლად. დიას, ეს იმ სიყვარულის დიდი გამოძახილია, რომელიც მის მიმართ მის კლასის დამრიგებელს ღია ქვე-



იშვილს ჰქონდა, რომელმაც მთელი კლასი ერთ დიდ, მზრუნველ და მოსიყვარულე ახალგაზრდებდა ჩამოაყალიბა.

წელს სკოლა ქვეყნის მედალოსანმა დაამთავრა – 2 ოქროთი, ოთხმა ვერცხლით. 2012 წლის სკოლის კურსდამთავრებული 53 ახალგაზრდიდან მედალოსანი 6 იყო – 3 ოქროს და 3 ვერცხლის მედალის მფლობელი. ეროვნულ გამოცდებზე დარეგისტრირდა 29 აბიტურიენტი, მათგან ჩაირიცხა 22. 100%-იანი გრანტის მფლობელი გახდა ერთი, 50%-იანის 3, 30%-იანის 2.

2011 წელს სკოლის 56 კურსდამთავრებულიდან მედალოსანი გვეყავა – 6, ეროვნულ გამოცდებზე 26 აბიტურიენტი დარეგისტრირდა, ჩაირიცხა – 22. სახელმწიფო დაფინანსება აქაც ხუთმა აბიტურიენტმა მიიღო.

წარმატებები, რომლებსაც ჩვენი სკოლის მოსწავლეები და კურსდამთავრებულები აღწევენ იმ 50 პედაგოგის, მშობლების დამსახურებაა, რომლებიც ძალ-ღონეს არ იშურებენ მათი ნორმალური აღზრდა-განვითარებისათვის. საამაჟიოა ის, რომ ჩვენი სკოლის პედაგოგები და მათი მოსწავლეები მონაწილეობენ რესპუბლიკური და მუნიციპალიტეტის მასშტაბით გამართულ კონფერენციებში, კონკურსებში და საკმაოდ დიდ წარმატებებსაც აღწევენ. ასე, მაგალითად, სასწავლო ოლიმპიადაში საუკეთესო შედეგებით მესამე ტურის წარმატებით გადალახა ჩვენი სკოლის ორი მოსწავლე დიმიტრი კუჭუაშვილი და ანი ლალიაშვილი რესპუბლიკის წარმატებულ მოსწავლეთა იმ ათეულში მოხვდნენ, რომლებმაც შემდეგ ბაკუსელის ინგლისურენოვანი საზაფხულო სკოლის საგზურო მოიპოვეს. მათგან ანი ლალიაშვილი 14 სექტემბრიდან 28 სექტემბრის ჩათვლით გაიზარა ინგლისის ქალაქ ჰასტინგში, რომელიც იქ გასაგზავნი 150 მოსწავლიდან შერჩეული 8 მოსწავლეს შორის მოხდა. გასულ წელს ჩვენი სკოლიდან ბაკუსელის ინ-

გლისურენოვანი ბანაკში ჩვენი მოსწავლე, ანის უფროსი და – სოლომეც იყო, რომელიც ახლა სტუდენტია. ახლა მე არ ვისაუბრებ პედაგოგთა მიერ მიღწეულ თითოეულ წარმატებაზე, რომელთა შორის შედეგი მათი წარმატებული მოსწავლეებია. უბრალოდ გეტყვი, რომ საქართველოს განათლებისა და მეცნიერების სამინისტროს საგარეჯოს რესურს-ცენტრის მიერ ჩატარებულ დაწესებულებების მასწავლებელთა რაიონულ კონფერენციაზე მოხმენილ პედაგოგთა პრეზენტაციაზე ჩვენი სკოლიდან წარდგინდა დაწესებულების განათლების საფეხურის პედაგოგები და I და II ადგილი რაიონის პედაგოგებს შორის ჩვენი სკოლის დაწესებულების კლასების პედაგოგებს ირმა შველიძეს და მარინა შიშოშვილს ერგო – როგორც საუკეთესო ინოვაციის ავტორებს.

ჩვენი სკოლის მოსწავლეები აქტიურად მონაწილეობენ ქვეყნის მასშტაბით მოწოდებულ სხვადასხვა საინტერესო ღონისძიებებში. წინათვე, 2014 წლის 7 ივლისს ჩვენ მივიღეთ მად-



ლობა საქართველოს შრომის, ჯანმრთელობისა და სოციალური დაცვის სამინისტროს ლ. საყვარელიძის სახელობის დაავადებათა კონტროლის და საზოგადოებრივი ჯანმრთელობის ეროვნული ცენტრის ხელმძღვანელობისგან თამბაქოსაგან 100%-იანი თავისუფალი პოლიტიკის გატარებაში გაწეული მხარდაჭერისათვის. ასევე, მადლობა მივიღეთ საგარეჯოს მოსწავლე-ახალგაზრდობის სახლის დირექციისგან ჩვენი სკოლის მოსწავლეების აქტიური მონაწილეობისათვის აღნიშნულ სახლში გამართულ ღონისძიებებსა და პროექტებში.

მიმდინარე სასწავლო წელს ჩვენი სკოლის კარებს 57 პირველკლასელი შემოსწის. მათ აქ სამი საკლასო ოთახი და სამი მასწავლებელი ელოდებათ. 39 მოსწავლე ისწავლის XII კლასში. სულ კი დაახლოებით 488 მოსწავლე გვეყოლება.

და კიდევ ერთი სიახლე: ჩვენი სკოლა საქართველოს რესპუბლიკის იმ საპილოტე 100 საჯარო სკოლას შორისაა, სადაც 15 სექტემბრიდან საექიმო მომსახურება ეწეებათ მოსწავლეებს ჩვენ გავქვს ოთახი საამისოდ გამოყოფილი, სადაც ექიმს შეუძლება ყოველდღიურად თვალყური ადევნოს ჩვენი სკოლის მოსწავლეების ჯანმრთელობის მდგომარეობას (ჩაწერილია 2 სექტემბერს).

ჩაიწერა თინა ილაშვილი



# ლაბალოს საჯარო სკოლის ხარაიობზე

უკვე გამოჩნდა ჩვენი მუნიციპალიტეტის სოფელ ლაბალოს მომავალი საჯარო სკოლის კონტურები, კონტურებში რომელზედაც სკოლის სამსართულიანი კორპუსი დაშენდება. თუ ქვეყნის წინა ხელისუფლების წინასაარჩევნო დაპირებებს რაიმე დაეჯერებოდა, წესით ახლა ამ ადგილზე უკვე კარგა ხანია ამ სკოლის დასრულებული შენობა უნდა იდგეს, თუმცა სკოლის ძველი სამსართულიანი ნაგებობის დანგრევის შემდეგ, აგერ უკვე მეშვიდე წელია, აქაურ მოსწავლეებსა და მათ მასწავლებლებს მეცადინეობების ჩატარება ურთულეს პირობებში, დაქირავებული საქონლის სადგომებსა და გაუქმებულ პურის საცხობებში უწევთ, რის შესახებაც ამბავსა ერთი პერიოდი ლამის მთელი მსოფლიოს მედიასაშუალებები შემოიარა. გასული სასწავლო წლისათვის ახალი სკოლის აშენებას ლაბალოელ მოსწავლე-ახალგაზრდობას, მათ მშობლებსა და აღმზრდელებს წინასაპრეზიდენტ არჩევნების კამპანიის დროს ჩვენი ქვეყნის მაშინდელი განათლების მინისტრი და დღევანდელი პრეზიდენტი გაორჯო მარგველაშვილიც დაპირდათ, თუმცა, სხვადასხვა მიზეზებით ამ მშენებლობის დაწყება მხოლოდ მიმდინარე წლის დასაწყისისათვის მოხერხდა.



ქარგილის მომზადების შემდეგ ჩაიხსმება ბეტონის ხსნარი, მისი გაშრობის შემდეგ კი დაიწყება სართულების დაშენების სამუშაოები. როგორც ვაშა ბახაშვილიანთან საუბარში ვაძრუებ, სკოლას ექნება 43 საკლასო ოთახი და 3 სპეციალური, საკონფერენციო დარბაზი, სამასწავლებლო, ბიბლიოთეკა, კვების ბლოკი, იფუნქციონირებს ორი: დასურული სპორტული დარბაზი და მინი-სტადიონი. მთლიანი შენობა უზრუნველყოფილი იქნება ცენტრალური გათბობით, კიბის ორი უჯრედის გარდა, სართულებს შორის იმოდრავებს ლიფტი, ყოველ სართულზე მოეწყობა სველი წერტილები. მოძრაობის უნარზე უზრუნველყოფილი მოსწავლეებისათვის მოეწყობა სპეციალური პანდუსები. სკოლის გარშემო მოეწყობა გამწვანება. ერთი სიტყვით, ეს იქნება თანამედროვე მოთხოვნების დონეზე მოწყობილი სასკოლო შენობა, რომლის ანალოგი საქართველოში ბევრი არაა.

როგორც იქნება სკოლის შენობის სეისმოდგრადობა და საექსპლოატაციო ხანგრძლივობა? – ვეკითხები საუბარში შემოსწავლულ მშენებლობის წარმოების უფროსს ნიკოლოზ ლომსაძესა და სამუშაოთა მწარმოებელს მუხრან თაბაბაძეს.

– ახალ სასკოლო შენობას შეუძლია გაუძლოს 8 და ცოტა უფრო მეტი სიმძლავრის მიწისძვრებს, ამაზე მეტი სისხშირის – 9-10 ბალის მიწისძვრები კი დამანგრეველად ითვლება. რაც შეეხება შენობის საექსპლოატაციო

ვადას, მშენებელი კომპანია იძლევა 50 წლის გარანტიას და მის ზემოთ რამდენ ხანს იფუნქციონირებს, ეს ეს სხვა ფაქტორებზე იქნება დამოკიდებული.

– ბატონო ნიკოლოზ, სკოლის კვების ბლოკმა და სველმა წერტილებმა ნორმალურად რომ იფუნქციონიროს, ამისათვის სკოლის წყალმომარაგების საკითხის მოგვარებაა საჭირო. სასველი წყალი კი მუდამ პრობლემატურია აქაურებისათვის. როგორ გადაწყდება ეს საკითხი ახალ სკოლაში, მისთვის საკუთარი ტაბურდითი თუ მოეწყობა, საიდან მოხდება წყალუზრუნველყოფა?

– სკოლისათვის სასველი წყლის ტაბურდის მოწყობის სამუშაოები და ხარჯები ამ პროექტით გათვალისწინებული არაა, – საუბარში გვერთვება ვაჟა ბახუაშვილი, – ჩემი ინფორმაციით, სასველი წყლის ქსელი სკოლაში შემოყვანილი იქნება სოფლის ცენტრალური ქსელიდან, რომელიც წინა წლებში მოაწყო ნავთობკომპანია „სოკარმა“. ბაღიანის წყალსაქანიდან მოვლდებოდა წყლის ბაზაზე. მისი მოწყობის სამუშაოების ხარჯებს კი, ან განათლების სამინისტრო, ან მუნიციპალიტეტის გამგეობა დააფინანსებს, რომლის ბალანსზეც ეს წყალსადენია ახლა.

– ბატონო ნიკოლოზ, რამდენადც ჩვენთვის ცნობილია, სკოლის მშენებლობა და ექსპლოატაციაში გაშვება 18 თვეში უნდა დასრულდეს. აქედან უკვე გასულია მესამედივე ცოტა მეტი დრო, როგორ ფიქრობთ, მოესწრება შეიძლება დროისათვის მისი დასრულება, რომ მოხვად, – 2015 წელს აქაურმა მოსწავლე-ახალგაზრდობამ ახალი სასწავლო წლის დაწყება ახალ სასკოლო შენობაში იხუმრო?

– კი, ჩვენ ყოველნაირად ვეცდებით, რომ დათქმული დროისათვის გავიღებო და მომავალი წლის აგვისტოს ნახევრისათვის სკოლა უკვე მზად იყოს სასწავლო წლის დაწყებისათვის.

– როგორ დგას სამშენებლო მასალებით მარაგების საკითხი? რაიმე პრობლემებს ხომ არ აწყდებით მუშაობაში?

– ამ ეტაპზე სამშენებლო მასალების ნაკლებობა არ გვხვია.

# ახალმშენებლობებზე



ბობას არ განვიცდით. ჩვენთან ხშირად მოდიან როგორც კომპანიის, ისე განათლების სამინისტროს წარმომადგენლები, ინტერესდებიან სამუშაოთა მიმდინარეობით, გვიტარებენ მონიტორინგს.

– მშენებლობაზე დასაქმებული მუშახელის შესახებ რას გვეტყვით? კომპანიის საკუთარი მშენებლები ჰყავს თუ ადგილობრივ მოსახლეობასაც აშუშავებთ?

– გვეყავს როგორც საკუთარი, მომზადებული ქართველი მშენებლები, ისე ადგილობრივი აზერბაიჯანელი მუშახელი. თუმცა უნდა ითქვას, რომ ჩვენთან მოსული ზოგიერთი აქაურის მომზადების დონე შედარებით დაბალია და ზოგ შემთხვევაში უარს ვაცხადებთ ხოლმე მათ სამუშაოდ აყვანაზე.

– გავეთვ აზერბაიჯანიდანაც გავით ხოლმე ოფიციალური მხარელები, რომლებიც ინტერესდებიან ლაბალოს სკოლის მშენებლობის საკითხებით?

– კი, ჩვენთან ხშირად მოდიან აზერბაიჯანიდან, მათ შორის სამთავრობო დონის დელეგაციები. ერთ-ერთი ასეთი დელეგაცია, ჟურნალისტების ჯგუფი ამასწინათ გვეწვია მშენებლობაზე, რომელთაც თან საქართველოს განათლებისა და მეცნიერების სამინისტროს წარმომადგენლები ახლდნენ. მათ დაათვალიერეს მშენებლობა, რადაც-რადაცეკები გვეითხეს: ამ სკოლას კი აშენებთ, მაგრამ რამდენად იციან აზერბაიჯანული ენა ქართველმა მასწავლებლებმა, ვინც აქაურ ბავშვებს ქართული ენა უნდა ასწავლონ? საბედნიეროდ განათლებისა და მეცნიერების სამინისტროს წარმომადგენელმა გასაგებად აუხსნა, რომ ენობრივი ბარიერის გადასალახავად სამინისტრო ახორციელებს სთანადო პროექტს. რამდენიმე წელიწადში ეს პრობლემა აღარ იარსებებს.

ბ. ლაბაიშვილი



### სიხსნა და მისხნა

## „აგვისტოში“ ხანძარზე გააშენებენ „პიპს“ „მისხნა“



**— ა ს მ თ ი**  
განცხადება გააკეთა ჩვენთან **საუბარში** საგარეო მუნიციპალიტეტის გამგეობის სახანძრო-სამაშველო სამსახურის უფროსის მოადგილემ **ფრიდონ ბეჟიაშვილმა**.

მისი განცხადებით, ხანძრების ასეთი სიხშირე შესაბამისი პერიოდისათვის წინა წლებში, არასოდეს დაფიქსირებულა. ეს გასაკვირი სრულყოფილი არაა. წლებში გადამწვარი და გაფიცებული ბაღები, ერთ პატარა ნაპერწკალსაც კი შეუძლია გახდეს ხანძრისა და უბედურების მიზეზი. ეს კი ჩვენ, აღამიანებს კიდევ ერთხელ მოგვიწოდებს ცეცხლთან მიმართებაში უფრო მეტი ყურადღებისაკენ. კონკრეტულად, ხანძრების რა შემთხვევებს ჰქონდა ადგილი ზაფხულის დამამთავრებელ თვეს და რა შედეგებით დასრულდა ისინი, ამას ბ-ნ ფრიდონთან საუბრიდან შეიტყობთ.

**— ბ-ნ ფრიდონ, რამდენადაც ვიცო, თქვენი კოლექტივი მებრძოლი, მოტილორი კოლექტივი, რომელიც მოქმედებული ტექნიკის პირშიც კი არასოდეს იხვევს უკან ხანძართან მიმართებაში და ბევრჯერაც გამოსულა მასთან ბრძოლაში გამარჯვებული, გადაურჩენია ადამიანების ქონება, ტყუ, მინდვრები და ა.შ. — მაგრამ თქვენი განცხადებიდან გამომდინარე, ეტყობა აგვისტოში უცნაური იყო ხანძრების მართლაც ბევრი შემთხვევა...**

— კი, თავიდანვე განვაცხადე, აგვისტოში მეტად დაძაბული მუშაობა მოგვიწია. მოგესხენებათ, ხანძრის ქრობის გარდა, ჩვენი სამსახური სხვა სამსახურსა და მოვალეობასაც ახორციელებს და საერთო ჯამში, ამ თვეში 44 გახველა გვექონდა. აქედან, მარტო ხანძარზე — 28, საიდანაც ორი შემთხვევა შეეხებოდა ტყის, დანარჩენი ღია ტერიტორიების, საკარმიდამო ნაკვეთების, დამხმარე სათავსოების ხანძრების ქრობის შემთხვევებს და სხვა.

**— ჩვენს პირობებში განვიხილავთ რამდენიმე და სიცხისგან ნაადრევად ფერმეცხვად ტყეს რომ კიდევ ხანძარი გაუჩნდება, ეს დიდი უბედურებაა და ჩემი აზრით, ხანძრისგან მის გადარჩენაზე მზრუნველი და მებრძოლი ადამიანი ნამდვილად დასაფასებელია. კერძოდ, მუნიციპალიტეტის რომელი ადგილებში და რა პირობებში მოგიწიათ ამ სამუშაოების შესრულება?**

— ასეთ შემთხვევას ადგილი ჰქონდა კაკაბეთის სატყეოს 34-ე კვადრატში, სადაც ადგილი 80

გარდუსიანი დახრილობისაა. აქედან გამომდინარე, ჩვენ იქ სახანძრო მანქანის გამოყენება ვერ შეუძლებელი და ზურგის აპარატებითა და ხელით მოვიხიდა ხანძართან ბრძოლა. ამ საქმეში დიდი დახმარება გაგვიწიეს გურჯაანისა და კაკრეთის სამსახურის სამსახურების მუშაკებმა, რის შედეგადაც მოკლე ვადებში, როგორც ამის საშუალებას ტყის რელიეფი გვაძლევდა, შეეძლებოდა ხანძრის ჩაქრობა, თუმცა, ცეცხლმა მაინც მოასწორო რამდენიმე ჰექტარის განადგურება.

რაც შეეხება ტყის ხანძრის მეორე შემთხვევას, მას ადგილი ჰქონდა ყვარლის ტყეში, სადაც კახეთის სხვა სახანძრო-სამაშველო სამსახურის მუშაკებთან ერთად ჩვენც ვიყავით დახმარებულად ჩასული. კაკაბეთის ტყისაგან განსხვავებით, აქ ხანძრის უფრო დიდ მასშტაბებთან გვექონდა საქმე და მის ჩაქრობას 24-დან 31 აგვისტოს ჩათვლით თითქმის 7 დღე დასჭირდა. ამ 7 დღის განმავლობაში ხანძრის ქრობას უშუალოდ ესწრებოდა ჩვენი სამსახურის უფროსი ზაქარია ოტიაშვილი და მასში მონაწილეობა ჩვენი სამსახურის ყველა მუშაკმა მიიღო. პირადად მე ვხელმძღვანელობდი საგარეოდან ყოველდღე შენაცვლებით 5-5 მეხანძრის ყვარელში გამგზავრების საქმეს, სადაც ხდებოდა დადებითი შეხანძრების ჩანაცვლება დასვენებული მუშაკებით.

ყვარლის ტყეში ხანძრის ქრობის პირადად მოგვარდა ხაშმის ე.წ. დამსვენებელთა აგარაკებზე ხანძრის ჩაქრობა, სადაც ცეცხლი ჰქონდა მოდებული ერთ-ერთი დამსვენებლის კერძო სათავსოს.

**— როგორც ვიცით, გომბორის ე.წ. „ტყეთან“ იყო განხილული ხანძარი...**

— როგორც ცნობილია, თქვენს მიერ მოხსენებული ტერიტორია ჩვენი მუნიციპალიტეტის ახლოს მდებარეობს და ამ ხანძარზეც მიიღო გამოძახება ჩვენმა სამსახურმა. აქ ცეცხლი ჰქონდა მოდებული გამხმარ ბაღებს, ნარგავებს, რომლის ჩაქრობაზეც არავის დაუზოგავს ენერგია, არც ჩვენ და არც სხვა მეხანძრეებს. საბოლოოდ შეთანხმებული და კოორდინირებული მუშაობით შეეძლებოდა ხანძრისგან გადაგვერჩინა იქვე ახლოს მდებარე ფართო ფერმა და მიმდებარე გატყევებული ფართობებიც.

**— ბატონო ფრიდონ, მოსახლეობა როგორ რეაგირებს ხოლმე ხანძრებზე და თუ გეხმარებათ მის ჩაქრობაში?**

— როგორ არა. სადაც კი ამის საშუალება აქვთ, ჩვენს მისვლამდეც საკუთარი ძალებით ერთვებიან ცეცხლის ჩაქრობაში, რაზედაც მე არავითარ ადმინისტრაციას ვერ ვთხოვ და დახმარებას ვერ ვთხოვ. დიდ თანადგომას და დახმარებას ვგრძობთ ჩვენი მუნიციპალიტეტის გამგეობის ბ-ნ გიორგი გუბირიშვილის მხრიდან. როცა ყვარელში ცეცხლის ქრობაზე ვმუშაობ

დით, ყოველდღე გვექონდა სატელეფონო კავშირი და ინტერესდებოდა საქმის ვითარებით და ყოველთვის გამოთქვამდა მზადყოფნას დახმარებისათვის, ხოლო ბაღიაურში ღია ტერიტორიაზე განხილული ხანძრის დროს პირადად, ფიზიკურად გვეხმარებოდა მის ჩაქრობაში.

მუშაობაში მუდამ გვეხმარება და გვერდით გვიდგას საგარეოს პოლიციის უფროსი დავით ჭიაბერაშვილი. მოხდა ისე, რომ ყვარელში ხანძრის ქრობის დროს უჯარმის ტბაზე თევზაობისას ერთ-ერთი დამსვენებელი საკუთარი ავტომანქანით ტბაში ჩავარდა. ჩვენს სამსახურს კი ამ დროს ტექნიკური საშუალება არ გააჩნდა მის დასახმარებლად, რადგან ყველა ავტომანქანა შემთხვევის ადგილზე იყო, მათ შორის ერთი სამხიდიანი ყვარელში გვექონდა გაგზავნილი. ისევე, როგორც სხვა დროს, ამ შემთხვევაშიც პოლიციის უფროსმა და მისმა მუშაკებმა გაგვიწიეს სათანადო დახმარება და საკუთარი მანქანით ტბიდან ამოიყვანეს ჩავარდნილი „ML“-ის მარკის მანქანა.

აღნიშნულის გარდა, სამაშველო დახმარებაზე ვიყავით ჩვენი მუნიციპალიტეტის სოფლებში — კახლარში, იორმულანლოსა და სხვა.

**— როგორც შეგიწყვეთ, საგარეოს პოლიციის შენობასთან ჩვენი მუნიციპალიტეტის სასწრაფო-სამედიცინო დახმარების მანქანა გადავირჩენიათ დაწვას, თუ არ ვცდები, ეს ამ სამსახურის მანქანებზე ხანძრის უკვე მეორე შემთხვევაა, არა?**

— როგორც ეტყობა, ამ სამსახურის მანქანებზე უკვე ძალიერ მოქმედებდა ხანძარი უჩნდებოდა ხოლმე. ცეცხლის წარმოშობის ნამდვილ მიზეზზე სასაუბროდ მე კომპეტენცია არ გამაჩნია და ამას ალბათ გამოძიება დაადგენს. რაც მთავარია, ჩვენმა სამსახურმა თავისი ფუნქცია შეასრულა და იგი დაწვისგან გადაარჩინა.

**— აგვისტოს რეკორდული გამოძახებების ფონზე ფიქტიური გამოძახებებიც ხომ არ ყოფილა?**

— სამწუხაროდ, ამ თვეში არც ასეთი შემთხვევისაგან ვიყავით დაზღვეული. კერძოდ, ასეთ შემთხვევებს ჰქონდა ადგილი თოხლიაურში, უჯარმაში, საგარეოსში ჯაფარიძის ქუჩაზე, სადაც მისასვლელად დაიხარჯა გარკვეული დრო, საწვავი, სახსრები, ენერგია. ამ დროს შეიძლება ხანძარი სხვაგან წარმოშობილიყო და ჩვენი თავი დასჭირებოდათ. ჩვენ კი ამ ფიქტიური გამოძახების გამო ვერ შეძლებდით მათზე დროულ რეაგირებას. ამიტომ, ჩემი თხოვნა იქნება მოსახლეობისადმი, თავი შეიკავონ მსგავსი ქმედებებისაგან, რადგან ჩვენს სამსახურს სახუმაროდ არასოდეს აქვს საქმე და იმ წუთებში, როცა ჩვენ ტყეშია და ვეცადებენ, შეიძლება გამოუსრულებელი შედეგები განვითარდეს.

**ესაუბრა**  
*ბიზი ლაბახიშვილი*

## „ლიტერატურული მართონის“ გამარჯვებული

**26 ივნისს** საგარეოს მუნიციპალიტეტის გამგეობის ახალგაზრდულ საქმეთა სამსახურის (მთ. სპეციალისტი ნაზი არჩუაძე) ორგანიზებით ჩატარდა „ლიტერატურული მართონი“ 15-20 წლის ასაკის ახალგაზრდებისათვის. მართონში მუნიციპალიტეტის 34-მა ახალგაზრდამ მიიღო მონაწილეობა. მართონის მონაწილეებს უნდა შეექმნათ ნაწარმოებები, რომლებშიც დასაწყის ფრაზებზე გამოყენებული იქნებოდა ნაწევრი ცნობილი ქართველი მწერლის შიო არაგვისპირელის მოთხრობიდან „ყველაი დაკარგე“. „ყვებ არ დამიჯვროთ, ან ჩემი გამოგონილი გეგონოთ, რადგან ის, რასაც მოგიხსრობთ, გარდასულ საუკუნეებში კი არ მომხდარა, არამედ ახლა“. და რიონესკუ აკუტაგავას „ჯადოქრიდან“ — ... ცხვრის ბინის ახლოს ათავსვრად აყვავებულ პატარა ბუჩქზე, რომელიც კოსტად შეკრულთა თაიფურს ემსგავსებოდა, იჯდა ყვავილთა დელოვანი, სიმშვენიერის გვირგვინი, ჯერ ახლად გაშლილი მთიულის ქალი“. გამოსაყენებელი სიტყვები: ხორციის მჭამელი; ბაქანი; ადიუტანტი; ჯვარი; აშლილი; წამი; ქორწილი; შუქი; განსჯა; სანატორიუმი. ნაწარმოებების შესაფასებლად შექმნილი იყო კომპეტენტური ჟიური, რომელმაც გამოავლინა მართონის გამარჯვებული, კერძოდ, გამარჯვებულად დასახველდა და **I პრიზი** მიეკუთვნა **საგარეოს II საჯარო სკოლის XI კლასის მოსწავლეს მამაზა საბინაშვილს**. **მეორე ადგილი** მიეკუთვნა და შესაბამისი პრიზი გადაეცა **საგარეოს IV საჯარო სკოლის მოსწავლეს ნანშა ოტიაშვილს**, ხოლო **III ადგილი** წილად ხვდა **გიორგიშინდელ მოსწავლეს მარიამ ბეჟიაშვილს**.

ლიტერატურული მართონის მონაწილე და გამარჯვებული დაჯილდოვდნენ შესაბამისი პრიზებით, წიგნებით, სუვენირებითა და ფასიანი საჩუქრებით. მათვე ჩვენმა თანამემამულე პოეტმა რომან ზუკაკიშვილმა საჩუქრად გადასცა თავისი ლექსების კრებული.

*ბ. ლაბახიშვილი*

## ქუჩის მოწოდება

**ჩამს** თვალწინ მოსახლეობით დასახლდა, შეივსო, გაღამაზდა და გაიხარდა აქაურობა. ჯერ მდინარე თვალთხვევს მიეყუკვები გვერდით, მერე ისე ვცილდები, მისი ხმაც აღარ მესმის გაზაფხულსა და შემოდგომაზეც კი. თავდაპირველად საგარეოელები აქ დასახლდნენ, სწორედ ამ მხარეს, აქ ჩამოსახლდნენ ქართლის სხვადასხვა სოფლებიდან კავთაშვილები, ფანოზიშვილები, მეოკიშვილები. ამ გვარებს სომხური წარმომავლობის გვარებიც დაემატა და ერთ ხანს ამ დასახლებას „სომხის უბანსაც“ უწოდებდნენ, შემდეგ სომხური წარმომავლობის გვარები ქართულ გვარებად გადაიკეთეს. აქ იყო სწორედ ციხე, რომელსაც ომიანობისა და ლეკიანობის დროს აქაურები თავს აფარებდნენ. აქ იყო იოანე ნათლისმცემლის ეკლესია. ამ ქუჩაზე 1875 წლის 20 ოქტომბერს გაიხსნა ორკლასიანი სკოლა, სადაც საგარეოელთა პირველი მასწავლებელი ალექსანდრე ცხევიდაძე წერა-კითხვას ასწავლიდა აქაურებს. ცოტა ქვემოთ „ბაზრის უბანი“ იყო, სადაც ახლომდებარე სოფლებიდან მოდიოდნენ გლეხები, ხელოსნები, იყო დიდი ვაჭრობა. ახლა მზესა და ყინვაში გარეთ დგანან მოვაჭრეები. ზოგჯერ სირცხვილის აღმურციც კი ამგვარდნია, როცა უცხოელი აქ ხილს ყიდულობს. მართლაც რას ჰგავს ეს ყველაფერი?! ფეხით სასიარულო ადგილები კი აქ გახსნილი ბანკების წინაც აღარ არის, მანქანებმა დაიპყრეს ეს ყველაფერი. შემდეგ ხებრელაშვილების, მელაშვილების, ესაიაშვილების, ივანელაშვილების უბანს მიეყუკვები, სადაც დღეს დავით გარეჯელის ნიშია. აქ ადრე, სამი საუკუნის წინაც დაუსახლებელი იყო, აქ იქადაგა დავით გარეჯელმა ქრისტიანობა და ეს ნიშიც ქრისტიანობის შესახსენებლად არის. ქვემოთ კახეთის ქუჩა მიერთდება გზაჯვარედინზე უფრო ქვემოთ უელიკაშვილები, შათირიშვილები, ალექსაშვილები, ყორღანაშვილები ცხოვრობენ. შემდეგ რესპუბლიკური მნიშვნელობის ავტომაგისტრალმა გადაკვეთა ერთი ნაწილი და იქიდან პირდაპირ „კოსტაფესკენ“ ვეშვები, ვენახებისაკენ. ვის არ უვლია ჩემს გულზე, ახლა ისინი, ვინც ფეხი აიდგეს, უკვე დიდი ხნის წასულებიც არიან ამ საწუთროდან. ვინ იცის, მერამდენე თაობა დადის დღეს. ყოველთვის ყურადღების ქვეშ ვიყავი, ცენტრალური ქუჩააო, ჯერ ქვაფენილი იყო (რა თქმა უნდა დღევანდელ ცენტრალურ წრემდე), შემდეგ კი ასფალტი დაიგო, ალბათ უკვე მეცხრე პირი. ახლა ადგილ-ადგილ ამოჭრეს ორმოები, რომლებიც მათეშნობდა, ასფალტით გადაიგება. მაგრამ, რა ქნას ფეხითმოსიარულეთათვის განკუთვნილმა ბილიკებმა, ე.წ. ტროტუარებმა?! რა დააშავეს?! იშვიათია ადამიანი იქ დადიოდეს, ყველა, ყველა — მანქანაა თუ ქვეთად მოსიარულე ყველა შუა ქუჩაში დადის. ხეების ფესვებისგან დაზიანებული ბილიკი საშიშროებასაც კი წარმოადგენს ადამიანისთვის. მარჯვენა მხარეს წყალსაწარმე არხიც შეარემონტეს, ე.წ. კოუვეტი, მაგრამ რა დააშავა მარცხენა მხარემ?! ახლა ნუ იტყვით და სახელიც გამომიცვალეს, სტალინის ქუჩა აღარ მქვია, ორი წელიწადია ერეკლე მეორის სახელს ვატარებ. თუმცა, ჩემთვის სულ ერთია, ოღონდ სიჩქარის შემზღუდავი ზღუდარებით ნუ დამამახინჯებთ — იქნებ სიჩქარის შემანელებელი ნიშანი დასვათ ქუჩის თავსა და ბოლოში?!

ამ ყველაფერს, რაც მე მტკივა, ყველა ფეხითმოსიარულე შეამჩნევს და ალბათ თანამიგრძობს, მაგრამ ის, ვინც მანქანით დადის, მხოლოდ ორმოებს თუ დაინახავს. ამ ქუჩაზე ყოველ დღე-საღამოს მუნიციპალიტეტის ორივე ხელმძღვანელი მანქანით მოძრაობს, ძალიან მინდა დაინახონ ეს ყველაფერი, იქნებ მიშველონ რამე?! არც თუ ისე პატარა ვარ — 2 კილომეტრი და 200 მეტრი, 8 შესახვევით და ათეულობით კომლით.



# სწავლის მსურველთათვის

## ბანკსაღება

**ილია ჭავჭავაძის სახელობის ქ. საბარეჯოს ავტორიზებული საბანკინო-საფინანსო-სერვისული კომპლექსი, აცხადებს აბიტურიენტთა მიღებას 2014-2015 სასწავლო წლისათვის შემდეგ სამეცნიერო განყოფილებაში:**



1. ბუნებრივი
2. ოფისის მენეჯერი
3. ექთნის თანაშემწე
4. კომპიუტერული ქსელებისა და სისტემების ტექნიკოსი

### კოლეჯი განცემს სახელმწიფო მიერ აღიარებულ პროფესიულ დიპლომს.

სასწავლებელში მუშაობს კომპიუტერული კურსები (საოფისე პროგრამები), რომელიც შედის სწავლის საფასურში. გაიცემა კომპიუტერის სერთიფიკატი.

სწავლა შესაძლებელია წარმოებიდან მოუწყვეტლად, ამისათვის მუშაობს მოქნილი ინდივიდუალური სასწავლო გრაფიკი.

კოლეჯში მუშაობს სხვადასხვა მიმართულების განმავითარებელი პროგრამები, რომელზედაც სასწავლებელი გასცემს სერთიფიკატს, როგორცაა:

1. ბაბა-ბაღის აღმზრდელი
2. ბანკის ოპერატორი
3. შარბაცების თანაშემწე
4. პრაქტიკული იმთანო და სხვა

ყველა აბიტურიენტისათვის და ნებისმიერი მსურველისათვის შესაძლებელია სასურველი სასერთიფიკატო პროგრამის შეს-

წავლა და შესაბამისი სერთიფიკატს აღება. ამისათვის კოლეჯში მუდმივად მუშაობს სპეციალისტ-პროგრამისტთა ჯგუფი.

საგარეჯოს ავტორიზებული პროფესიული კოლეჯის მიერ გაცემული ორი დიპლომური დოკუმენტი – სახელმწიფო პროფესიული დიპლომი და კოლეჯის გერბითა და ბეჭდით დამოწმებული სერთიფიკატი – ორი პროფესიული სპეციალისტის აღიარების დამადასტურებელია.

სასწავლებელში სწავლის მსურველმა ბიტურიენტებმა უნდა წარმოადგინონ შემდეგი საბუთები:

1. ბანკსაღება კოლეჯის დირექტორის სახელზე.
2. საბაზო ან საშუალო განათლების დამადასტურებელი დოკუმენტის ასლი.
3. პირადობის მოწმობის ასლი.
4. ორი ფოტოსურათი 3X4

საბუთების მიღება მიმდინარეობს. საკონტაქტო ინფორმაცია: მისამართი: ქ.საბარეჯო, ლეონიძის ქ. 33ა E-mail: iliasagarejo@gmail.com www.iliaedu.ge ტ – 0 (351) 242436, 555 513-228, 598 650-849

**ილია ჭავჭავაძის** სახელობის ქ.საბარეჯოს საგანმანათლებლო დაწესებულება (ავტორიზებული პროფესიული კოლეჯი „ილია“) დაფუძნებულია 2000 წლის 25 დეკემბერს დამფუძნებელთა საბჭოს გადაწყვეტილებით. მისი იურიდიული მისამართია ქ.საბარეჯო, ლეონიძის ქ. 33ა

სასწავლებელმა თავისი 14წლიანი არსებობის პერიოდში რამდენჯერმე შეიცვალა სახელი, მაგრამ არ შეუცვლია თავისი მიზანი და დანიშნულება. კოლეჯი გამოირჩევა თავისი ხარისხიანი განათლებით, პერსპექტიული დასაქმების პროგრამით, სერვისული, მაგრამ თბილი დამოკიდებულებით ახალგაზრდა თაობის მიმართ.

კოლეჯის მისიაა - კონკურენტუნარიანი სპეციალისტების მომზადება და მათი დასაქმებისა და თვითდასაქმების ხელშეწყობა. ხარისხიანი პროფესიული საგანმანათლებლო პროგრამების განხორციელება, საუკეთესო კომფორტული სასწავლო გარემოს შექმნა, თავისუფალი, დემოკრატიული და სოციალურად სამართლებრივი გარემოს უზრუნველყოფა.

რაიონში მცხოვრები ეთნიკური უმცირესობებისათვის ქართულენოვან მოსახლეობასთან ინტეგრაციის მექანიზმის შექმნა, დანერგვა, პროფესიული განათლება და დასაქმება.

კოლეჯი „ილია“ არის საქართველოს კერძო კოლეჯების ასოციაციის ასოცირებული წევრი, რაც ნიშნავს, რომ კოლეჯი იცავს საგანმანათლებლო ეთიკისა და სწავლების მაღალ სტანდარტებს, არის ავტორიზებული და მის მიერ გაცემული დიპლომები აღიარებულია სახელმწიფოს მიერ.

ავტორიზებული პროფესიული კოლეჯი „ილიას“ მიერ გაცემულ დიპლომებს აღიარებს ასევე დამსაქმებელი, კერძო და საჯარო სექტორი, მსხვილი, საშუალო და მცირე ბიზნესი.

თქვენი განათლებისა და პროფესიული განვითარების სამსახურშია ათეულობით პროფესიული, კვალიფიციური მასწავლებელი, გამართული სასწავლო ინფრასტრუქტურა და პრაქტიკის ბაზები.

„ილიას“ კოლეჯს აქვს დაბალი სასწავლო გადასახადი და გადახდის მოქნილი მექანიზმი, რაც ხელსაყრელს და ხელმისაწვ-

დომს ხდის „ილიას“ კოლეჯში სწავლას. მთელი სასწავლო წლის განმავლობაში სტუდენტები ჩართულნი არიან სასწავლო და შემეცნებით-გასართობ ღონისძიებებში. ხშირი ექსკურსიები სხვადასხვა ისტორიული ძეგლების მოსახსენებლად, კონფერენციები, შეხვედრები გამოჩინებულ ადამიანებთან, კაფე-სადამოები და მხიარულთა და საზრიანთა გუნდების შეჯიბრებები მეტად საინტერესო და მიმზიდველს ხდის კოლეჯში სწავლას.

კოლეჯი გამოირჩევა დასაქმების მაღალი მანქანებით ყველა დარგში.

სასწავლებელი უშეგებს ბუნებრივ, ოფისის მენეჯერებს, ექთნის თანაშემწეებს და კომპიუტერული ქსელებისა და სისტემების ტექნიკოსებს.

ბუნებრივი სპეციალობაზე სტუდენტები ეუფლებიან აღრიცხვის თეორიას, საგადასახადო სისტემას, ფულის ბრუნვის მექანიზმს. ამიტომ ისინი წარმატებით დასაქმდებიან ბანკებსა და ყველა ტიპის კერძო და სახელმწიფო საწარმოო დაწესებულებებში ბუნებრივად და მოღვაწეობად.

ექთნის თანაშემწეებს ელის ნებისმიერი საავადყოფო, რადგან დღეისათვის ქვეყანა განიცდის ექთნის თანაშემწეების კვალიფიციციის კადრის დეფიციტს.

ოფისის მენეჯერის სპეციალისტების მემეტად დიდი მოთხოვნაა დღეს საქართველოში ყველა დარგში, იქნება ეს კერძო თუ სახელმწიფო ორგანიზაციები, მაღალი დონის საქმისწარმოება ყველა ორგანიზაციას ერთნაირად სჭირდება.

კომპიუტერული ქსელებისა და სისტემების ტექნიკოსების დიდი მოთხოვნაა ამჟამად ყველა ტიპის წარმოება დაწესებულებაში, რადგან დღეს წარმოება არ არსებობს კომპიუტერის გარეშე, ყველგან საჭიროა ქსელის შექმნა და მისი ადმინისტრირება. ტექნიკოსებს თვითდასაქმების დიდი შანსიც აქვთ.

კოლეჯში მოქმედებს განათლების მიღების განსხვავებული მექანიზმიც – ინდივიდუალური გრაფიკი.

სწავლების ეს ფორმა მეტად გამოადგებათ წარმოებაში დასაქმებულ მუშაკებს, სკოლის მოსწავლეებს, რომლებიც გადაწყვიტენ სკოლიდან მოუწყვეტლად სწავლას.

კოლეჯში მუშაობს განმავითარებელი სასერთიფიკატო პროგრამებიც – ფარმაცევტის თანაშემწის, პრაქტიკოსი ექთნის, ბაბა-ბაღის აღმზრდელის, საბაზო წარმომადგენლის, გიდი და სხვა, რაზეც გაიცემა სერთიფიკატი კოლეჯის გერბითა და ბეჭდით დამოწმებული.

ილია ჭავჭავაძის სახელობის ქ.საბარეჯოს საგანმანათლებლო დაწესებულების კარი ღიაა ყველა იმთავის, ვისაც სურს სერვისული განათლების მიღება და დასაქმება.

მისამართი: ქ.საბარეჯო, ლეონიძის ქ. 33ა E-mail: iliasagarejo@gmail.com www.iliaedu.ge ტ – 0 (351) 242436, 555 513-228, 598 650-849

# შალვა გზირიშვილის სახელობის ტურნირზე

**შალვა** გზირიშვილის საიუბილეო თარიღთან დაკავშირებით საგარეჯოს მუნიციპალიტეტის გამგეობამ, აიპ „საგარეჯოს სპორტგაერთიანების“ დირექციამ, ამაღლადი ფალანგის საფასურში აღზრდებულმა სახელოვანი ფალანგის სსოვნის უკვდავსაყოფად საგარეჯოს მხარეთმცოდნეობის მუზეუმის ეზოში არსებულ ღია საჭიდაო მოედანზე ჩაატარა ტურნირი ქართულ ჭიდაობაში. ასპარეზობაში, რომელსაც სპორტის ოსტატი ვია მარხვაშვილი მსაჯობდა, მონაწილეობის მისაღებად მოჭიდავეები ახმეტიდან, ყვარლიდან, დედოფლისწყაროდან, სიღნაღიდან, ლაგოდეხის, მარნეულის მუნიციპალიტეტებიდან, თბილისიდან, მარტყოფიდან ჩამოვიდნენ. ასპარეზობა წრიული სისტემით 6 წონით კატეგორიაში ჩატარდა. პირველად 55 კგ წონით კატეგორიაში ჩემპიონობა არავის დაუთმო სამბოში ვეროპის ჩემპიონმა მანაველმა ირაკლი კუპატაძემ. ამავე წონაში მეორე საპრიზო ადგილზე გავიდა დედოფლისწყაროელი გიორგი წიკლაური. მესამე ადგილები გაიყვეს სოსო ღურინიშვილმა (საგარეჯო) და გიორგი თვაჯერმა (დედოფლის წყარო).

60 კგ წონით კატეგორიაში უძლიერესი იყო ახმეტელი ნიკო ჭიკაძე. მეორე ადგილი დაიკავა სულიკო თედიაშვილმა, მესამეები – ლაშა მათიაშვილმა და ნიკა ყუშიტაშვილმა (სამივე საგარეჯო).

66 კგ წონით კატეგორიაში იმარჯვა

და ჩემპიონი გახდა ზაზა როსტომაშვილი (საგარეჯო). მეორე საპრიზო ადგილზე გავიდა ნიკა კოჭლამაზაშვილი (ყვარელი), მესამე ადგილებზე – გიორგი დიდუბაშვილი (თბილისი) და ბაჩანა ჭიკაძე (დ/წყარო).

73 კგ წონით კატეგორიაში ჩემპიონი გახდა მანაველი ოთარ კაციაშვილი, მეორე ადგილზე გავიდა ლაგოდეხელი თორნიკე მახათაძე, მესამეზე – დათო ჭიკაძე (ახმეტა) და ბექა სუკასიანი (საგარეჯო).


81 კგ წონით კატეგორიაში პირველობა ახმეტელმა ვანო ჩურჩხელაშვილმა მოიპოვა, მეორე ადგილზე გავიდა დედოფლისწყაროელი ცოტნე წიკლაური, მესამეზე – გელა ქაღანი (მარნეული) და იმედა გოგოლაძე (ლაგოდეხი).

აბსოლუტურ წონაში, საგარეჯოს მუნიციპალიტეტის გამგეობის მიერ სხვა ჯილდოებთან ერთად დაწესებული იყო ჭედილა. ჩემპიონი და ამ ჯილდოს მფლობელი გახდა 81 კგ წონით კატეგორიაში გამარჯვებული ვანო ჩურჩხელაშვილი; მეორე ადგილზე გავიდა ლაგოდეხელი ლევან მაჭარაშვილი; მესამე ადგილები გაიყვეს ზაურ მამარდაშვილმა (საგარეჯო) და ოთარ კაციაშვილმა (საგარეჯო).

ტურნირის გამარჯვებულ და სხვა საპრიზო ადგილებზე გასულ ფალანგებს გადაეცათ საგარეჯოს მუნიციპალიტეტის შესაბამისი თასები, მედლები და სიგელები.

ბ. ლაპახიშვილი

# სწავლას ჭაღრაკში გააგრძელებით იწყებს



**აიპ** „საგარეჯოს სპორტგაერთიანების“ ჭაღრაკის მწვრთნელ ირაკლი ქელიძის 10 წლის აღსაზრდელს ნიკოლოზ კველიშვილს საჭაღრაკო დაფებზე მოპოვებული წარმატებებით არაერთხელ გაუხარებია ბრძენთა თამაშის საგარეჯოელი მოყვარულები. პირველი წარმატება მან ჯერ კიდევ 7 წლის ასაკში იხიმა, როცა გახდა კახეთის ჩემპიონი და ეს ტიტული შემდეგშიც რამდენჯერმე მოიპოვა სხვადასხვა ასაკში. ბათუმის საერთაშორისო ტურნირის ორგზის გამარჯვებული, საქართველოს შარშანდელი პირველობის ვიცე-ჩემპიონი და

ვეროპის თასის გათამაშების IV ადგილის მფლობელი მონაწილეობდა ჩერნოგორიაში გამართულ ვეროპის ჩემპიონატში. ნიკოლოზ კველიშვილმა წარმატებით იასპარეზა ქალაქ ფოთში გამართულ ფოთის IX საერთაშორისო საჭაღრაკო ფესტივალში – „ნანა ალექსანდრიას თასი – 2014“ 10-წლიანთა შორის. ტურნირში საქართველოს გარდა მონაწილეობდნენ: აზერბაიჯანის, სომხეთის, ირანის, ერაყის, რუსეთის, უკრაინის, თურქეთის მოჭაღრაკეები – სულ 41 მონაწილე. ნიკოლოზი ამ ასპარეზობაში ფიქს სარეიტინგო კოეფიციენტით – 165,7 ჩაება. გათვალისწინებული 9 ქულიდან მან 7 გამარჯვებით და 2 ყაიმით 8 ქულა დააგროვა და ფესტივალის ჩემპიონობა იხიმა. ამ შედეგით მან 1 ქულის სხვაობით უკან ჩამოიტოვა II ადგილზე გასული ირანელი მაჰან რეზაზანი, ხოლო III ადგილზე გასულ სომეხ არმენ გრიგორიანს 1,5 ქულით გაუსწრო. ამ წარმატებისათვის ნიკოლოზი დაჯილდოვდა ნანა ალექსანდრიას სახელობის თასით, მედლით, დიპლომითა და ფულადი ჯილდოთი (450 ლარი).

გიორგი ლაპახიშვილი

### მადლობა

#### ქალბატონო თინა

**ჩემუღებრივი** დილა გათენდა ჩემთვის – თუმცა მზიანი, მაგრამ მოწვენილი, უფერული და ნაღვლიანი. ასეთ დღეებს მე უკვე თითქმის მივეჩვიე. ვფიქრობდი სასექტემბრო პრობლემებზე და კიდევ ვერც გატყვევით რამდენ ტკივილზე... ამ დროს ჭიშკართან მსუბუქი მანქანა გაჩერდა. შორიდან შევნიშნე, რომ მანქანა სავსე იყო. მანქანიდან ქალბატონი ცინარი კონიაშვილი და ქალბატონი ლალი გრატიაშვილი გადმოვიდნენ და მითხრეს, რომ ქნმა თინა ხიდაშელმა შენთან საჩუქრები გამოგვატანაო. საჩუქრებს ბოლო არ უჩანდა, უამრავი პროდუქტი და და უამრავი სასექტემბრო საჩუქრები გადმომცემს. ჩემს სიხარულს საზღვარი არ ჰქონდა, თუმცა ის არ იყო პირველი შემთხვევა, როცა პარლამენტის წევრი ქნი თინა ხიდაშელი ჩემზე ზრუნავდა.



ქნო თინა

*კიდევ ერთხელ გიხდით მადლობას ჩემზე მზრუნველობისათვის და გპირდებით, რომ ჩემი აკადემიური მაჩვენებლები ყოველთვის იქნება სასურველი.*

*მიყვარხართ, ქნო თინა, მე უკვე მიხარია 15 სექტემბრის დადგომა.*

პარდიკო

მადლობისათვის ქნ თინას შევხვდი. მან თბილად მიმიღო და მითხრა, რომ პერიოდულად შეამოწმებდა ჩემს აკადემიურ მოსწრებას სკოლაში, კვლავაც იზრუნებდა ჩემთვის და ჩემი მომავლისათვის.

### ახალი მზიანი

#### ჩვენი სახელოვანი მამულიშვილი



**ირაკლი** ამ ქვეყნად ქართველი კაცისათვის ვაზზე ძვირფასი. მევენახეობა ძველთაგანვე ქართველი ხალხის მატერიალური სიძლიერის ერთ-ერთი ძირითადი წყარო იყო და არის. ქართველი კაცისათვის ვაზს ჯერ კიდევ უძველეს დროში ჰქონდა განსაკუთრებული მნიშვნელობა. ჩვენში ქრისტიანობის გავრცელებამ, თვით წმინდა ნინოს ჩვენს ქვეყანაში ვაზისგან შეკრული ჯვრის შემოტანამ სიმბოლურად მეტი დატვირთვა მისცა და ვაზის კულტურის აღორძინებას კიდევ უფრო მძლავრი საფუძველი ჩაუყარა.

ყოველ დარგს თავისი თანმდევი პრობლემები გააჩნია, ასეა მევენახეობაც. მისი განვითარებისა და წინსვლისათვის ბევრ მამულიშვილს და მევენახეს აქვს შეტანილი წვლილი. მათ შორის ერთ-ერთი ჩვენი თანამოქალაქე თამაზ ქელიძეა.

თამაზ ქელიძე ჩვენი ქვეყნის ერთ-ერთი უდიდესი დეველოპერი და მამოძღვრებელია. ახლახანს გამოვიდა მისი კიდევ ერთი წიგნი „ვაზი – ჩვენი სიამაყე“.

წიგნის გადაშლისთანავე ადამიანს სიამაყის გრძნობა გეუფლება, რომ მისი ავტორი ჩვენი მუნიციპალიტეტის წარმომადგენელია.

წიგნში მწვავედ არის დაყენებული ის პრობლემები, რაც მევენახეობის დარგში წლების განმავლობაში უწყურადღებობის,

უცოდინრობის გამო დაგროვდა. წიგნი ვაზისადმი დიდი სიყვარულით, მოფერებით და პატივისცემით არის დაწერილი. ვაზის მოვლა-მოყვანის მთელი ტექნოლოგიური პროცესები – ვენახის გაშენებიდან მოსავლის აღებამდე.

წიგნში მოკლე, მაგრამ შესანიშნავად არის დაწერილი ვაზის კულტურის ისტორია საქართველოში.

ბატონ თამაზ ქელიძემ მე, ამ წერილის ავტორი ასპირანტურაში სწავლის დროიდან ვიცნობ, როდესაც ის თავის მნიშვნელოვან გამოგონებას იცავდა ახლანდელი აგრარული უნივერსიტეტის კათედრებზე და საქართველოს სოფლის მეურნეობის მეცნიერებათა აკადემიის სხდომებზე. ბევრი მისი გამოგონება ჯერ კიდევ კომუნისტურ პერიოდში დაინერგა სოფლის მეურნეობაში. მევენახეობის ახლებურად განვითარებაზე მის აქტუალობაზე მას ბევრი მწვავე წერილი აქვს დაწერილი. გამოგონებისათვის ბევრჯერ დაჯილდოვდა ოქროს მედლებით. 1986 წელს გამოგონებისათვის მიღებული ჯილდო 20000 მანეთი მან სრულად გადარიცხა ჩერნობილის დახმარების ფონდში.

ვიცნობდი, როგორც დამსახურებულ გამომგონებელს, უნიჭიერეს კაცს, მაგრამ არანაკლებად შესძლებია ლამაზი ლექსების წერაც. მინდა მივულოცო ახალი წიგნის გამოსვლა, რომელიც მისი ლექსებითა და ნახატებითაც არის დამშვენებული, ვუსურვო ჯანმრთელობა და ბევრი წარმატებები ცხოვრებაში და შემოქმედებით ასპარეზზე. დიდხანს გველოს ჩემო თამაზ კეთილი გულით და ნამუსის ქულით ამ ქვეყანაზე.

პატივისცემით:  
*ნიკო ჯავახიშვილი,  
აგროინჟინერიის დოქტორი, საქართველოს საინჟინერო აკადემიის მრჩეველი*

### ბანკსაღი

ილია ჯავახიშვილის სახელობის ქსაბარეჯოს საბანკანათლებლო დაწესებულება – კოლეჯი აცხადებს კონკურსს სარეკლამო

აბენტის მაკანტურ სამუშაო აღბილზე

დაინტერესებულმა პირებმა უნდა წარმოადგინონ:

1. CV – რეზიუმე
  2. პირადობის მოწმობის ასლი
  3. განცხადება კონკურსში მონაწილეობის მისაღებად
  4. უმაღლესი/პროფესიული განათლების დიპლომი
  5. ილია ჯავახიშვილის სახელობის ქსაბარეჯოს საბანკანათლებლო დაწესებულების რეკლამის ნიმუში
  6. სხვადასხვა კატეგორიის ადამიანთა ჯგუფებთან რეკლამის-პრეზენტაციის ზოგადი მონახაზი.
- პიროვნული თვისებები:
1. ადამიანებთან ურთიერთობის უნარი
  2. პრეზენტაციის უნარი
  3. ანალიტიკური, ლოგიკური აზროვნების უნარი
  4. პასუხისმგებლობის გრძნობის მაღალი დონე.
- ხელფასი შეთანხმებით.

ილია ჯავახიშვილის სახელობის ქსაბარეჯოს საბანკანათლებლო დაწესებულების დირექტორი

### ბიზნესი

1. გერმანული (ORACAL) ფირმის

მეშვეობით თვითწებადი წარწერების, ფირმის ლოგოს, სტიკერების დამზადებას.

2. მცირეტირაჟიანი პროდუქციის წებოვანი ეტიკეტების ფერად ბეჭდვას.

3. ფერად ფლაერებს, ბუკლეტებს, სავიზიტო ბარათებს ლაზერული და მეტალიზებული ბეჭდვით.

4. დესკტოპ კომპიუტერების შეკეთე-

ბა-გადღიერებას და მის აქსესუარებს. დაგეხმარებით თქვენი ფირმის თუ ორგანიზაციის საფირმო ლოგოს დამზადებაში.

5. მაისურზე, ჭიქაზე ფერად ბეჭდვას თქვენი დიზაინით, სარკეზე გრაფიკებას.

დაწერილებით ინფორმაცია ჩვენს საიტზე:

WWW.madstudio.ge  
email: madstudioge@yahoo.com  
support@madstudio.ge  
599 172622. საგარეჯო.

### ბანკსაღი

**მოსამზადებელი** ცენტრი შპს „გოგნა-2014“ გთავაზობთ აბიტურიენტებისათვის და უფროსკლასელებისათვის საატესტატო და ეროვნული გამოცდებისათვის მომზადებას ყველა სასურველ საგანში.

მოგემსახურებიან თბილისიდან მოწვეული გამოცდილი რეპეტიტორები.

სასწავლო პროცესი წარმართება ქსაბარეჯოში, რუსთაველის ქ. №248/2 (ყოფილი მეურნეობის შენობაში) მოსამზადებელი ფასები მინიმალურია, ხარისხი – მაღალი. საატესტატო გამოცდის ნებისმიერი 4 საგანი – 150 ლარი. ეროვნული გამოცდების ძირითადი 3 საგანი (ქართული, ინგლისური, ზოგადი უნარები) – 150 ლარი. დანარჩენი საგნების შერჩევა და თანხის დაკონკრეტება შეთანხმებით. სწავლა დაიწყება 1 ოქტომბერს.

ასევე გთავაზობთ დაწვებითი კლასებისათვის (I-IV კლასი) გახანგრძლივებულ ჯგუფს, რომელიც იმუშავებს დღის II ნახევარში.

რეგისტრაციისათვის მიმართეთ ქსაბარეჯო, რუსთაველის ქ. №248/2. 1 სექტემბრიდან ყოველდღე 12-17საათებში.  
ტელ: 591 150 915 ია კუპატაძე

### გამოსათხოვარი მალხაზ ბაბუნიაძე



მართლაც რომ უცნაურია კაცთა ცხოვრება. გიორგიწმინდაში დაბადებულმა და გაზრდილმა სამხედრო-სავალდებულო სამსახური 1996-1998 წლებში მოახდია. 2002 წელს ვაჟკაც მეომართა რიგებში ჩაწევრა – კომანდოს ბატალიონის მებრძოლი გახდა.

ეს ბატალიონი დაარსების დღიდან საქვეყნოდ კი არა, მსოფლიოს მასშტაბით წარმოადგენდა სიმამაცისა და სამშობლოს, სამხედრო საქმისადმი ერთგულთა სინონიმს. 2004-2006 წლებში ერაყის სამშვიდობო მისიის უშიშარი მეომარი, 2008 წლის აგვისტოს ომის მონაწილე, ყველაზე გაბედული და ქართული მიწის ერთგული, ქართული ჯარის IV ქვეითი ბრიგადის 42-ე ბატალიონის მეომარი – მალხაზ ბაბუნიაძე ერთი იმთავიან იყო, ვინც ყოველ წუთს სიკვდილს უყურებდა თვალებში – არ ჰქონდა მნიშვნელობა ის ერაყში იყო საქართველოს ავტორიტეტის ასამაღლებლად თუ საკუთარი, მშობლიური მიწის გადამთვლელთაგან დასაცავად. იყო გაბედული, მამაცი, ერთგული, უდალატო, გულისხმიერი, მეგობრული, უზომოდ კაცთმოყვარე, ყურადღებიანი. იქ, ბრძოლაში, ტყვეების წვიმაში სიკვდილს გადაურჩა, მაგრამ აქ, თავის მშობლიურ მიწაზე ქართველისგან გასროლილმა ტყვიამ იმსხვერპლა მისი სიცოცხლე. ივლისში 38 წელი შეუსრულდა. აგვისტოს ომს გადარჩენილი აგვისტოს გადაურჩა. სამუდამოდ გაცივდა მუდამ მეგობრებისათვის ანთებული გული, ერაყის, სამხაზლოს ბრძოლით მიწამოვლილი გიორგიწმინდის მშობლიურმა მიწამ ჩაიხუტა და ბევრი, ძალიან ბევრი ქართველი დაერჩებით მისი სიყვარულისა და უდალატო ერთგულების ვალში. შენ ერთი საუკუნის წინ დაბადებულს ჰგავდი შენი კაცთმოყვარეობით, იმიტომ ვერ გავიციო იმ ერთადერთმა, რომელმაც იქნებ გაუთვითცნობიერებლადც გამოჰკრა თითო ჩახმახს...

ყველას გვიყვარდი და ყველას გვენანები, შენისთანა გულის პატრონი სწორედ რომ ჩვენც გვჭირდებოდა და საქართველოსაც! ნათელში ამყოფოს უფალმა შენი სპეტაკი სული, მალხაზ.

სამშობლო

„გარეჯის მაცნე“ გამომცემელი შპს „გარეჯის მაცნე“  
 რედაქტორი: თინათინ ილაური  
 რედაქციის მისამართი: ქ. საგარეჯო, დ. აღმაშენებლის ქ. № 15,  
 გაზეთი აიწყო და დაკაბადონდა შ.პ.ს. „გარეჯის მაცნეში“ დაიბეჭდა თბილისში, გამომცემლობა „კოლორში“.  
 ტელეფონები: 24-32-07 599 502 842 599 851 143  
 ელ. ფოსტა: garejismacnel@hotmail.com